



ՄԱՇՏՈՑԻ ԱՐՁԱԳԱՆԳ

Հայց. Առաք. Սուրբ Յակոբ Մայր Եկեղեցույ Կիրակնօրեայ Դպրոցի Պարբերաթերթ

ԺԱ. ՏԱՐԻ ԹԻԻ 3

Նոյեմբեր 2003

Կիր.	Բ2.	Գ2.	Դ2.	Ե2.	Ուր.	Շաբ.
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

8	Սուրբ Գաբրիէլ եւ Սուրբ Միքայէլ Հրեշտակապետներու տօն
15	Անդրէ եւ Փիլիպպոս առաքելներու տօն
29	Սուրբ առաքելներ եւ առաջին լուսաւորիչներ Թադէոսի եւ Բարթողիմէոսի տօն

Ամէն տեսակ նեղութիւն ունինք, բայց ընկճուած չենք. տագնապի մատնուած ենք, բայց յուսահատ չենք. հալածանքներ անպակաս են, բայց լքուած չենք. յաճախ խոշտանգուած՝ բայց խորտակուած չենք:

Բ. Կորնթացիներուն 4

Առաջին լուսաւորիչներու առաքելութեան հետքերով

Ասկէ շուրջ 1950 տարիներ առաջ Հայաստան ուղարկուեցան Յիսուսի առաքելներէն երկուքը, Թադէոս եւ Բարթողիմէոս, նուիրական առաքելութեամբ մը՝ հայ ժողովուրդին մօտ քարոզելու եւ տարածելու Քրիստոնէութիւնը իբր ճշմարիտ կրօն: Այդ թուականէն գրեթէ 250 տարիներ ետք, Հայաստանը, հայ ազգը հանդիսանալով առաջինը՝ ընդունեց Քրիստոնէութիւնը իբր պետական կրօն:

Դարեր անցան ու հայ ժողովուրդը մնաց քրիստոնէայ: Ի՞նչ է քրիստոնէութիւնը. ի՞նչ կը նշանակէ քրիստոնէայ ըլլալ: Բարդ հարցում, բազմաթիւ պատասխաններու կարելիութեամբ: «Մաշտոցի արձագանգ»-ի այս թիւով մեր պարտքը կը համարենք այս հարցը դնել, այդպիսով ողջ պահած ըլլալու համար առաջին լուսաւորիչներու յիշատակը ու իմաստ տալու անոնց նահատակութեան:

«Քրիստոնէութիւն հոգեւորումն է աշխարհին եւ նիւթղէնին վրայ»: Այսպէս կը սահմանէր քրիստոնէութիւնը երջանկայիշատակ Գարեգին Վեհափառը: Դաւանանք մը որ ամբողջութեամբ ազատ կ'արձակէր մարդ արարածը որովհետեւ անոր կը թելադրէր նիւթական եւ աշխարհիկ կաշկանդումներէ ձերբազատուելով ձգտիլ հոգիի անկաշկանդութեան. կը թելադրէր արհամարհել մարմնական մահը, հաւատալով եւ յուսալով հոգիի անմահութեան:

Թադէոս եւ Բարթողիմէոս առաքելներու յիշատակը վառ պահելու համար, հարց տուր դուն քեզի ե՛ս, սիրելի ընթերցող, թէ ի՞նչ է քրիստոնէութիւնը, ի՞նչ կը նշանակէ քրիստոնէայ ըլլալ, ի՞նչ հասած է մեզի առաջին լուսաւորիչ առաքելներէն:

Եթէ կ'ուզես գիտնալ թէ Աստուած ի՞նչ հոգեւոր գանձ պարգեւած է քեզի...

Արդ, այս գանձը մեր մէջ կը կրենք՝ կաւէ անօթներու պէս, որպէսզի յստակօրէն երեւի՝ թէ այս անսահման զօրութիւնը Աստուծմէ է որ կու գայ, եւ ո՛չ թէ մեզմէ: Ամէն տեսակ նեղութիւն ունինք, բայց ընկճուած չենք. տազնապի մատնուած ենք, բայց յուսահատ չենք. հալածանքներ անպակաս են, բայց լքուած չենք. յաճախ խոշտանգուած՝ բայց խորտակուած չենք: Ծարունակ Յիսուսի մահը մեր մարմիններուն մէջ կը կրենք, որպէսզի Յիսուսի կեանքն ալ մեր մարմիններուն մէջ յայտնուի: Որքան ատեն որ կ'ապրինք՝ միշտ մահուան կը մատնուինք Յիսուսի սիրոյն, որպէսզի նաեւ Յիսուսի կեանքը յայտնուի մեր մահկանացու մարմիններուն մէջ: Այսպիսով, մահը կը ներգործէ մեր մէջ, որպէսզի կեանքը ներգործէ ձեր մէջ:

Սաղմոսին մէջ գրուած է. «Հաւատացի. ահա թէ ինչու խօսեցայ»: Հաւատքի նոյն ոգին ունինք մենք: Մենք ալ կը հաւատանք, ուստի նաեւ կը խօսինք: Գիտենք թէ Աստուած՝ որ Տէր Յիսուսը յարուցանեց, Յիսուսի հետ մեզ եւս պիտի յարուցանէ եւ ձեզմով միասին իր ներկայութեան կանգնեցնէ: Այս բոլորը ձեզի համար կ'ըլլան, որպէսզի փրկութեան շնորհքը աւելի եւ աւելի անձերու վրայ տարածուի, եւ գոհաբանական աղօթքները առատանան՝ Աստուծոյ փառքին համար:

Բ. Կորնթացիներուն 4.7-15

Բովանդակութիւն

- Առաջին լուսաւորիչներու առաքելութեան հետքերով
- Եթէ կ'ուզես գիտնալ թէ Աստուած ի՞նչ հոգեւոր գանձ պարգեւած է քեզի...
- Թէ ինչպէ՞ս քրիստոնէութիւնը սկսաւ տարածուիլ Հայաստանէն ներս
- Ասք Անգղայ վանքի հիմնադրութեան մասին
- Հաւատքի մասին
- Բառախաղ
- Ծանօթանանք Աստուածաշունչին
- Հրեշտակներուն մասին
- Սուրբ պատարագի գլխաւոր երգերէն
- Նկարագիր
- Յարատեւութիւն
- Ասկէ շատ տարիներ առաջ Նոյեմբեր ամսուան մը ընթացքին
- Առաջին լուսաւորիչներ
- Հոկտեմբեր ամսուան մասնակցողներ եւ պատասխաններ
 - Ո՞րն է ճիշդ պատասխանը
 - Մանկապարտէզի անկիւն
 - Նախակրթարանի անկիւն «ԱԲԳ»
 - Նախակրթարանի անկիւն «ԴԵԶ»
 - Երկրորդականի անկիւն
 - Ընդհանուրի անկիւն
- Կարճ լուրեր կիրակնօրեայէն

Թէ ինչպէ՛ս Քրիստոնէութիւնը սկսաւ տարածուիլ Հայաստանէն ներս

« Հետեւաբար գացէք եւ բոլոր ժողովուրդները ինձի աշակերտ դարձուցէք: Զանոնք մկրտեցէք՝ Հօր, Որդիին եւ Սուրբ Հոգիին անունով: Անոնց սորվեցուցէք այն բոլոր պատուիրանները որ ես ձեզի տուի. եւ անա միշտ ձեզի հետ պիտի ըլլամ, մինչեւ աշխարհիս վախճանը: »

Մատթէոս 28.19-20

Այս խօսքերով է որ Յիսուս արտայայտուեցաւ իր աշակերտներուն, իր համբարձումէն ճիշդ առաջ, զանոնք ղրկելով աշխարհի չորս կողմերը քարոզչութեան եւ քրիստոնէութիւն տարածելու առաքելութեամբ:

Հայաստանի մէջ այս քարոզչական աշխատանքը կատարելը վիճակուեցաւ Յիսուսի՝ իսկ աշակերտներէն երկուքին՝ Թադէոս եւ Բարթողիմէոս առաքելներուն, որոնք դժուարին պայմաններու տակ կատարեցին իրենց առաքելութիւնը եւ յաջողեցան հիմնել Հայոց եկեղեցին, որ իրենց իսկ անունին վերաբերելով կոչուեցաւ **« Հայաստանեայց առաքելական Մայր եկեղեցի »**:

Հայաստանեայց առաքելական եկեղեցին, Նոյեմբեր 29-ին կը տօնէ իր առաջին լուսաւորիչներու յիշատակը: Առաջին առաքելներու այս տօնով կը յիշատակուի Թադէոս եւ Բարթողիմէով առաքելներու կողմէ քրիստոնէութեան քարոզչութիւնը հայաստանէն ներս, Ա. դարէն սկսեալ: Ու թէ երեք դարեր ետք միայն, 301 թուին է որ Քրիստոնէութիւնը հայերուն համար հռչակուեցաւ պետական օրինաւոր կրօն, սակայն Ա. դարէն սկսեալ, երկու առաքելները հետեւողական աշխատանքով առիթ ընծայեցին որ քրիստոնէութիւնը տարածուի երկրէն ներս, որ հիմնուին վանքեր եւ եկեղեցիներ եւ կուսանոցներ, նոյնիսկ եթէ ճշմարտութեան տարածման ճամբուն վրայ զոհեցին իրենց կեանքերը:

Ասք Անգղայ Վանքի հիմնադրութեան մասին

Կ'ըսուի թէ Վասպուրականի Արտամետ գիւղի մօտ գտնուող Անգղայ Սուրբ Աստուածածին վանքը հիմնուած է Թադէոս Առաքելի կողմէ հետեւեալ պայմաններուն տակ. -

Թադէոս առաքելը երազին մէջ կը տեսնէ Աստուածածինը որուն ցուցմունքներուն համաձայն կ'աւերէ Անգղ Գիւղը գտնուող հեթանոսական մեհեանը եւ տեղը կը կառուցէ քրիստոնէական տաճար: Գիշերը, դէւեր կը քանդեն այս տաճարը: Առաքելին աղօթքով եւ Աստուածածնի հրամանով կու գան հրեշտակի կերպարանք ստացած բազմաթիւ անգղեր եւ չարաչար կը հալածեն դէւերը որոնք սեւ ագռաւներու կերպարանք առած փախուստ կու տան: Ու այդպէսով, վանքը կը ստանայ **« Անգղայ Վանք »** անունը:

Հաւատքի մասին Յովհաննէս Երզնկացի խրատ բոլոր քրիստոնէաներուն

Նախ պէտք է իմանալ թէ ի՞նչ է քրիստոնէութիւնը եւ ի՞նչ է քրիստոնէական հաւատքը: Գիտենք թէ հաւատքը Աստուծոյ եւ մարդոց միջեւ շաղկապ է: Հաւատքը Աստուծոյ կողմէ մարդոց մէջ կը հաստատուի եւ մարդոցմէ Աստուծոյ կը բարձրանայ, զոր օրինակով պիտի բացատրենք լսողներուն:

Ինչպէս որ լոյսին շողը արեւէն իջնելով կը մտնէ բոլոր երդիքներէն ու լուսամուտներէն ներս եւ կը ձեւաւորուի համաձայն տան մեծութեան կամ փոքրութեան՝ լուսատրելով այնտեղ գտնուած ներք. նոյնպէս հաւատքը Աստուծմէ մարդոց կ'իջնէ եւ անոնց սրտերուն ու հոգիներուն մէջ կը բնակի եւ զայն ընդունողներուն ընկալման չափով կը բովանդակուի: Եւ ինչպէս որ կնիքի նախատիպը երբ մոմի վրայ ձեւանայ, կնիքի նմանութիւնը կը տեսնուի մոմին վրայ, այսպէս ալ հաւատքը Աստուծոյ կողմէ մարդոց մէջ կը տպաւորուի եւ անոնց սրտերուն ու հոգիներուն մէջ կերպաւորուելով կը կնքուի:

Հաւատքը լուսեղէն անմարմին պարան է Աստուծոյ կողմէ երկնքէն մարդոց իջած, որպէսզի երբ մեր ձեռքերը վեր առնենք, Աստուծոյ մօտ բարձրանանք՝ այսինքն բազմապիսի բարեգործութիւններով:

Հաւատքը բանալին է երկնքի արքայութեան, զոր Աստուած տուաւ, որպէսզի ան որ հաւատքի զօրութիւնը ունենայ, բանայ եւ արքայութիւն մտնէ:

Հաւատքը մարդու սրտին մէջ արմատացած տունկ է, որուն արմատը Հայրն է, արմատին վրայ գտնուող ոստը՝ Որդին է, տունկին եւ ոստին վրայ անթառամ ծաղիկը՝ Ս. Հոգին, իսկ քաղցրահամ պտուղը՝ բոլոր բարի գործերն են. որովհետեւ պտուղը արմատէն, ոստէն եւ ծաղիկէն կը յառաջանայ, ինչպէս բարի գործերը՝ հաւատքէն: Ինչպէս որ ծառը առանց պտուղի գեղեցիկ չերեւիր եւ առանց ծառի պտուղ չըլլար, նոյնպէս հաւատքը առանց գործի վայելուչ չէ, ոչ ալ գործերը՝ առանց ճշմարիտ եւ ուղիղ հաւատքի:

Բառախաղ														
գ	ա	ր	դ	ա	ր	ե	լ	ր	ա	ն		ազատել	եկտր	նինուէ
ա	գ	ա	ր	տ	օ	ր	ա	լ	ն	ի		արագ	զարդարել	նոր
ր	ա	տ	ա	ա	ն	ա	ն	ձ	ի	ն		արտօրալ	զարդատել	ուրախ
դ	տ	ա	ց	ն	ա	ժ	ի	շ	տ	ո		ատանացի	թան	ուրանալ
ա	ե	ր	ի	ա	տ	շ	ի	ր	ա	ւ		ատակ	ժիր	ուրար
ս	լ	ի	ա	ց	ա	տ	ո	ր	ւ	է		աւազ	իլիկ	տարի
ե	ւ	ի	լ	ի	կ	ո	ւ	ր	ա	խ		արի	ինտրա	քար
դ	ե	կ	ա	կ	ո	ւ	ր	ա	ր	ա		ան	իւղ	••••• Պահուած
ե	կ	զ	զ	ո	ւ	թ	ա	ն	ա	ւ		առանձին	իրաւ	•բառը 6
ն	ւ	ի	ո	ր	ք	ի	ն	տ	ր	ա		գութան	լուռ	•գիր:
ն	ւ	ի	ո	ր	ք	ի	ն	տ	ր	ա		գորգ	խաւար	•Մկրտութեան
ն	ւ	ի	ո	ր	ք	ի	ն	տ	ր	ա		դրացի	կորիզ	•ընթացքին կը
ն	ւ	ի	ո	ր	ք	ի	ն	տ	ր	ա		երաժշտութիւն	դէկ	•գործածուի
ա	ր	ա	զ	զ	ր	ն	լ	ո	ւ	ո		եղէն	նաժիշտ	•

Ծանօթանանք Աստուածաշունչին

Հին Կտակարան

17 պատմական գիրքեր

- ԾՆՆՂՈՑ
- ԵԼԻԳ
- ՂԵՆՏԱՍԵՆԿ
- ԹՈՒՆԳ
- Բ. ՕՐԻՆԱՑ
- ՅԵՏՈՒ
- ԴԱՏԱՎՈՐԱՑ
- ՀՈՒՐ
- Ա. ԹԱԳԱՎՈՐԱՑ

- Բ. ԹԱԳԱՎՈՐԱՑ
- Գ. ԹԱԳԱՎՈՐԱՑ
- Դ. ԹԱԳԱՎՈՐԱՑ
- Ա. ՄՆԱԳՈՐՂԱՑ
- Բ. ՄՆԱԳՈՐՂԱՑ
- ԵԳՐԱՍԱՅ
- ՆԷԵՄԵԱՅ
- ԵՍԹԵՐ

- Ծ ԲԱՆԱՍՏԵՂԾԱԿԱՆ
- ԵՒ ԴԱՏՈՒԿԱՐԱԿԶԱԿԱՆ
- ԳԻՐՔԵՐ
- ՅՈՐ
- ՍԱՂՄՈՍՆԵՐ
- ԱՌԱԿՆԵՐ
- ԺՈՂՈՎՈՂ
- ԵՐԳ ԵՐԳՈՑ

17 մարգարէներու

- ԳԻՐՔԵՐ
- ԵՍԱՅԻ
- ԵՐԵՄԵԱՅ
- ՈՂՔՔ ԵՐԵՄԵԱՅ
- ԵԳԵԿԻԷԼ
- ԴԱՄԻԷԼ
- ՈՎԱԷԱ
- ՅՈՎԷԼ
- ԱՄՈՍ
- ԱԲԴԻԱ
- ՅՈՎՃԱՆ
- ՄԻԹԱ
- ՆԱՌՈՒՄԱՅ
- ԱՄՔԱԿՈՒՄ
- ՍՈՓՈՆԻԱ
- ԱՆԳԷ
- ԶԱՔԱՐԻԱ
- ՄԱՂԱՔԻԱ



ԾՆՆՂՈՑ

Կը պատմէ Աստուծոյ կողմէ աշխարհի եւ մարդկութեան սկիզբը, մեզի ծանօթ Ադամ եւ Եւայի պատմութիւնը: Աստուած մեզ շնորհեց կեանք ու փոխարէնը պ ա հ ա ն ջ ե ց հնազանդութիւն եւ հաւատարմութիւն իրեն հանդէպ:



ԵԼԻԳ

Կը պատմէ Մովսէսի ծնունդը եւ իսրայէլացիներու ելքը Եգիպտոսէն եւ Մովսէսին առընչուող դէպքերն ու պարագաները: Ծանօթ են Կարմիր ծովէն անցքի հրաշալի դէպքը եւ 10 պատուիրանները:



ՂԵՆՏԱՍԵՆԿ

Աստուած Մովսէսի կը փոխանցէ շարք կը օրէնքներ որոնք բոլորին համար են:



ԹՈՒՆԳ

Հրեաներու Սինայի անապատէն մեկնումը եւ Մովսէսի հասնիլը, այսինքն 40 տարուայ ա ն ա պ ա տ ա յ ի ն կեանքը: Հոս կը կարդանք Մովսէսի պատիժը եւ Պղնձէ օձի դրուագը:



Բ. ՕՐԻՆԱՑ

Ն կ ա ր ա գ Ր Ո Ւ Թ Ի Լ Ե ն անապատին մէջ պատահած դէպքերուն եւ շարք մը օրէնքներու կրկնութիւնը: Գիրքը կը վերջանայ Մովսէսի մահով:



ՅԵՏՈՒ

Այսպէս կը կոչուի հեղինակի անունով: Կը պատմէ Յետուի յաջորդումը Մովսէսի: Հոս կը կարդանք Երիթովի պատերու փլուզման մասին, իբր օ Ր Ի Ն Ա Կ հնազանդութեան եւ հաւատքի:



ԴԱՏԱՎՈՐԱՑ

Կը պատմէ պատմութիւնը այն շրջանին երբ Իսրայէլի ղ ե կ ա վ ա Ր Ե Ր Ը «դատաւոր» կը կոչուին: Այս գիրքէն ծանօթ են Գէդէոնի եւ Ս ա մ ս ո ն ի պատմութիւնները:



ՀՈՒՐ

Դատաւորաց գրքին յաւելուած մը կարելի է նկատել որուն մէջ կը պատմուի օրուան ընտանեկան կեանքի պատմութիւններ, ինչպէս հարս եւ կ ե ս ու լ Ր Ի պատմութիւնը:



- Ա. ԹԱԳԱՎՈՐԱՑ,
- Բ. ԹԱԳԱՎՈՐԱՑ,
- Գ. ԹԱԳԱՎՈՐԱՑ,
- Դ. ԹԱԳԱՎՈՐԱՑ

Այս չորս գիրքերու նպատակն է Ի ս ր ա յ է լ ց ի ն ե Ր Ը ներկայացնել իբր ընտրեալ ժողովուրդ եւ ա գ դ ա Ր ա Ր Ե Լ դժբախտութեանց դէմ, Աստուծոյ օրէնքներէն հ ե ո ա ն ա լ ու պարագային:

.....
 • Գիտէի՞ր թէ ...
 • Հին կտակարանի առաջին հինգ գիրքերու հաւաքածոն
 • կը կոչուի **հնգամատեան**:
 •

Հրեշտակներու մասին

Նոյեմբեր ամսուան առաջին կամ երկրորդ Ծաբաթ օրը, Հայաստանեայց եկեղեցին կը յիշատակէ հրեշտակապետեր Գաբրիէլի եւ Միքայէլի տօնը:

Հրեշտակ կը նշանակէ պատգամաւոր, առաքեալ: Նախապէս անոր կը տրուէր երկնային դէսպան, պատգամաւոր, սուրհանդակ նշանակութիւնը: Աստուածաշունչը կը վկայէ որ Հրեշտակները իբրեւ լուսեղէն ստեղծուած են առաջին օրը, լոյսի հետ միասին: Անոնք ժամանակի ներգործութենէն չեն ազդուիր եւ սեռական յատկանիշներ չունին:

Աստուածաշունչէն ներս հրեշտակներու մասին ակնարկութիւնները շատ են: Անոնք կը ներկայացուին իբր բազմաթիւ, մեծագործ եւ զօրաւոր էակներ: Հին կտակարանին մէջ անոնք Աստուծոյ ներկայացուցիչները կը նկատուին, միջնորդներ հոգեւոր եւ նիւթեղէն աշխարհներուն

միջեւ: Անոնք ունին իրենց ղեկավարները որոնցմէ ամենէն անելի ծանօթ են Գաբրիէլ հրեշտակը եւ Միքայէլը: Հայ միջնադարեան մանրանկարչութեան մէջ, կը գտնենք յատկապէս Գաբրիէլ հրեշտակի պատկերը, Տիրամօր անտելու ատեն:

Օրհնաբանեցէ՛ք Տէրը, ո՛վ հրեշտակներ, անոր հրամանները լսող եւ գործադրող հզօր էակներ:
Օրհնաբանեցէ՛ք Տէրը, դուք՝ որ անոր բանակն էք եւ անոր կամբը կատարող պաշտօնեաները:
Օրհնաբանեցէ՛ք Տէրը, դուք՝ բոլո՛ր ստեղծուածներ, որովհետեւ անոր տէրութիւնը ամենուրեք կը տարածուի:
Օրհնաբանէ՛ Տէրը, ով իմ անձս:

Սաղմոս 103[102].20-22



Հրեշտակի բարձրաբանդակը Աղթամար վանքի Ս. Խաչ եկեղեցւոյ ճակատին:

«Հրեշտակը եւ Ս. Մարիամը» 1330 ի Կիրակոս Աղբակեցիի «Աւետում» մանրանկար

Սուրբ Պատարագի գլխաւոր երգերէն

Գիտէի՞ր թէ պատարագի ընթացքին, իւրաքանչիւր մասի բնագրին հիմնական բաժիններուն յարմարող երգեր կան որոնք կ'երգուին եւ որոնք կը նկատուին Պատարագի գլխաւոր երգերը: Իսկ որո՞նք են այդ երգերը...

Պատարագի երկրորդ բաժնի, Ծաշու ժամի ընթացքին կ'երգուի մեր բոլորին ծանօթ «Սուրբ Աստուած»-ը:

«Սուրբ Աստուած, սուրբ եւ հզօր, սուրբ եւ անմահ, որ յարեար ի մեռելոց. ողորմեա մեզ:»

Պատարագի երրորդ բաժնին, այսինքն Բուն Պատարագի ընթացքին կ'երգուին այլ շատ ծանօթ երգեր որոնցմէ են «Քրիստոս ի մէջ մեր յայտնեցաւ» եւ «Սուրբ, Սուրբ» երգերը:

«Քրիստոս ի մէջ մեր յայտնեցաւ»-ին զուգահեռ, հաւատացեալները իրարու ողջոյն կու տան, այսինքն զիրար համբուրելու ձեւով կը մօտենան ու Քրիստոսի յայտնութեան լուրը իրարու կը փոխանցեն: Ողջոյն տուողը կ'ըսէ .-« Քրիստոս ի մէջ մեր յայտնեցաւ», իսկ ողջոյն ստացողը կը պատասխանէ .- « Օրհնեալ է յայտնութիւն Քրիստոսի»:

Այս ողջոյնը կը սկսի խորանէն ու կը փոխանցուի պատարագին ներկայ եղող բոլոր հաւատացեալներուն, մէկէն միւսը, հերթաբար:

Քրիստոս ի մէջ մեր յայտնեցաւ, որ էնն Աստուած աստ բազմեցաւ. խաղաղութեան ձայն հնչեցաւ, սուրբ ողջունի հրաման տուաւ. Եկեղեցիս մի անձն եղել. համբոյրս յօդ լրման տուաւ: Թշնամութիւնն հեռացաւ. սէրն յընդհանուրս սփռեցաւ: Արդ պաշտօնեայք՝ բարձեալ զձայն տո՛ւք զօրհնութիւն ի մի բերան, միասնական աստուածութեանն, որում սրովբէքն են սրբաբան:

Պատարագի նոյն այս բաժնին ընթացքին,

քահանան սկիհը, գինիի բաժակը, վեր առնելով կ'ըսէ «Առէ՛ք, կերէ՛ք այս է Մարմին Իմ» ակնարկելով նշխարին որմով աւելի ուշ պիտի հաղորդուին հաւատացեալները: Այս բաժնէն ճիշդ առաջ կ'երգուի «Սուրբ, Սուրբ»-ը, սրբաբանելու համար Քրիստոս:

Սուրբ, Սուրբ, Սուրբ, Տէ՛ր զօրութեանց. լի՛ են երկինք եւ երկիր փառօք քո. օրհնութիւն ի բարձունս. օրհնեալ որ երկիր եւ գալոցդ ես անուամբ Տեառն. Ովսանա ի բարձունս:



Սկիհ 1910 թ

Ը

Այնպես ինչպես իր ֆիզիքական յատկությունները, մեզմէ իրաքանջիւրը ունի իր նկարագրային յատկությունները որոնք մեզ կը զանազանեն մէկս միւսէն: Եթէ մարդ ունի հասակի, կազմի, մորթի գոյնի վերաբերող յատկություններ, ունի նաեւ իր մտածելու ձեւին եւ զգալու կերպին վերաբերող յատկություններ: Ահա այդ զգալու եղանակն ու մտածելակերպն են որ կը կազմեն անձի մը բարոյական տիպարը՝ նկարագիրը:

Կ

ա

Նկարագիր կը նշանակէ կեանքի մէջ վարուելու ձեւ եւ բարոյական յատկանիշներ: Մեզմէ ոմանք զգայուն են ոմանք անզգամ, ոմանք կոքոտ են ոմանք ալ տրամաբանող: Դժուար կացութեան առջեւ ոմանք ջղային կ'ըլլան ոմանք՝ պաղարիւն: Ընկերային շրջանակներէն ներս մէկը մեծամիտ կ'ըլլայ, մէկ ուրիշը՝ համեստ: Ու այսպէս անվերջ, մարդիկ նոյն կացութեան մը առջեւ կ'ունենան իրարմէ շատ տարբեր զգալու եւ մտածելու կերպեր:

ր

ա

Այն անձը որուն նկարագիրը ընդհանրապէս բարի եւ լաւ գիծեր ունի կրնանք կոչել առաքինի անձ: Հակառակը պիտի ըլլար՝ անառակ: Առաքինի անձ դառնալը աշխատանքի կը կարօտի: Որքան փոքր տարիքէն սկսինք մեր գէշ սովորություններն ու վարուելակերպերը փոխել այնքան շուտ կը յաջողինք դառնալ առաքինի եւ բարի անձ:

գ

ի

«Մաշտոցի արձագանգ»-ի այս թիւով պիտի սկսինք ներկայացնել յօդուածներու շարք մը որոնք պիտի վերաբերին առաքինություններուն: Անոնք պատմութեան եւ հարցումներու միջոցաւ, առիթ պիտի տան քեզի որ մտածես բարի նկարագրային գիծերու մասին եւ փորձես անոնց տէր դառնալ: Բարեկամներուդ հետ կարդա՛ այդ պատմությունները, մտածէ հարցումներուն մասին ու կարծիքդ յայտնէ թէ դուն ի՞նչ կը մտածես հոն ներակայացուած իրաքանջիւր առաքինութեան մասին:

ր

ՅԱՐԱՏԵԻՈՒԹԻՒՆ

Յարատեւ ըլլալ կը ճշանակէ...

... սկսուած ընթացք մը շարունակել դժուարութիւններով, հակադրութիւններով եւ վտանգներով հանդերձ:

Անձ մը որ յարատեւող է.- ➤

- Վճռակամ է
- Հաստատամիտ է
- Սկզբունքի տէր է
- Անփոփոխ է

Անձ մը որ չի յարատեւեր.- ➤

- համոզումի պակասը ունի
- համբերութիւն չունի
- երկմտանքի մէջ է
- փոփոխամիտ է
- տատամսող է

Դուրս որբա՞ն յարատեւող անձ մըն ես

Ընկերոջդ կը խոստանաս իրեն օգնել գործ մը ամբողջացնելու համար: Ժամանակը կ'անցնի, գործը տակաւին չի վերջանար.-

- Ա- ընկերոջդ կ'ըսես որ առանձին շարունակէ
- Բ- Կը շարունակես նոյնիսկ եթէ յոգնած ես ու աշխատանքը կ'երկարի
- Գ- Այնպէս կը ձեւացնես թէ ուշացած ես եւ տուն պէտք է վերադառնաս
- Դ- Կը շարունակես գործը մինչեւ վերջ որովհետեւ խօսք տուած էիր

Աստուածաշունչը կ'ըսէ... ..
 Գեղութիւնները մեզի համբերութիւն կու տան, համբերութիւնը՝ տոկունութիւն, տոկունութիւնը՝ յոյս... .

Հոռմայեցիներուն 5.3-4

Ասկէ շատ տարիներ առաջ, Նոյեմբեր ամսուան մը ընթացքին

Ասկէ 37 տարիներ առաջ Նոյեմբեր ամսուան ընթացքին կը մահանար հայ ժամանակակից գրականութեան մեծագոյն դէմքերէն՝ Համաստեղը: Ան ծանօթ է իր պատմուածքներով որոնց միջավայրը հայ գիւղն է, իսկ հերոսը՝ հայ խոնարհ ու բարի գիւղացին:

Չալօ հատուած

Աւելի ծեր քան մեր գիւղին երեզվոյիսը. սակայն անոր պէս ակնոց չէր գործածեր Չալոն: Երկու լայն տերեւներուն նման երկու ականջները կախ էին, պոչը թոյլ, այլեւս կոնակին վրայ կծկելու անկարող: Ծանր ու միշտ վար ինկած կոպերը աչքերուն մելամաղձոտ երեսոյթ մը կու տային: Դէմքը խորհրդաւոր էր մանաւանդ, երբ ճամբուն վրայ, միայնակ, դունչը լուսնկային տնկած, լուսնկան կը հոտուրտար:

Մեր գիւղի լուսնկան ալ, բոլոր գիւղերու լուսնկաներուն պէս, եկեղեցիին գմբեթէն չէր հեռանար. շատ անգամ անոր վրայ կ'իյնար, հոն կը հանգչէր: Չալոյի դունչը, հիւսիս երկարող Մագնիսի մը պէս, այն կողմն էր միշտ. կը կաղկանձէր ու կ'ոռնար պղինձի պէս արձագանգուող Քարայրներու ձայնով:

Ուաու... Ուաու... Ուաու..

* * *

Ասկէ 137 տարիներ առաջ, Նոյեմբեր ամսուան ընթացքին կը մահանար 18-րդ դարու հայկական վերածնունդի ամենալուսաւոր դէմքերէն՝ Մկրտիչ Պէշիկթաշլեան: Ան ծանօթ է ամենէն աւելի իր գրաբար եւ աշխարհաբար բանաստեղծութիւններով:



Աղուէսն ու կաքաւը

Աղուէսն որսաց մի կաքաւ,
Որսին վրայ կուզ եկաւ:
Ծատոնց ու շատ էր սոված:
Կաքաւն հիծեց.- «Ո՛վ Աստուած,
Ըլլաւ օրհնեալ, զի կ'ազատես զիս կեանքէն
Ամէնօրեայ տաժանքէն,
Իսկ դուն, աղուէս, դո՛ւն ալ փառք տուր
Արարչին,
Որ որս դրաւ քու առաջին:
Աղուէսն յուզուած, եկաւ ծունկի, աչքն երկնին,
Ու փառք տուաւ իր կարգին,
- «Փառաւորեալ ես դուն կապոյտ, մեծ Իշխան,
Զի քաղցածիս նուիրեցիր նուրբ սեղան...»:
Պիտի խօսէր տակաւին,
Սակայն, յանկարծ, կաքաւին
Լսեց թոխչքն, ի վերուստ
Տեսաւ հեզնանքն ու փախուստ:
Ու խօսեցաւ ինքն իրեն.
-«Ա՛յ քեզ յիմար, վայ քեզ տխմար, անօրէն,
Կեանքի կանոնն այսուհետեւ լա՛ւ գիտցիր,-
Նախ կեր, ապա գոհացիր»:

Առաջին լուսաւորիչներ

Թադէոս Առաքեալ



Քրիստոսի 12 առաքեալներէն մէկն է ան: Եղած է Հայաստանի մէջ քրիստոնէութիւնը առաջին անգամ քարոզողը: Իրեն կը հետեւի Բարթողիմէոս առաքեալ: Թադէոս առաքեալ Յիսուսի համբարձումէն ետք կու գայ Եդեսիա ուր կը բժշկէ Աբգար թագաւորը որ մորթային հիւանդութենէ կը տառապէր: Աբգար կ'ընդունի նոր հաւատքը: Թադէոս Եդեսիայէն կ'անցնի Հայաստան իր հետ

իբր մասունք տանելով գեղարդը, այն սուր զէնքը որմով խոցուած էր Քրիստոս խաչափայտին վրայ: Թադէոս կը յաջողի մուտք գործել հայոց արքունիքէն ներս ու դարձի բերել մեծ թիւով մարդիկ որոնց շարքին արքային իսկ աղջիկը՝ Սանդուխտ: Հայաստանէն ներս, Թադէոս առաքեալ կը գործէ յատկապէս Արտազ գաւառ, ուր հիմնադրած է Թադէի վանքը, նախկին հեթանոսական տաճարի մը վայրին վրայ: Թադէոս առաքեալ եւ Սանդուխտ նահատակուած են Սանատրուկ թագաւորի հրամանով:

Բարթողիմէոս Առաքեալ

Քրիստոսի 12 առաքեալներէն մէկն է, Հայաստան եկած Թադէոս առաքեալի նահատակութենէն ետք: Ան իր քարոզչութիւնը կը սկսի Գողթն գաւառէն ներս, ապա Սիւնեաց, Արարատեան եւ Վասպուրական նահանգներուն մէջ:

Բարթողիմէոս Հայաստան կը բերէ տիրամօր պատկերը, որ պահ կը դրուի Անձեւացեան գաւառի Դարբնաց Քար կոչուած տեղը, Անահիտ դիցուհիին մեհեանից տեղ կառուցած Ս. Աստուածածին եկեղեցիին մէջ:



Բարթողիմէոս առաքեալի գերեզմանը կը գտնուի Աղբակի համանուն վանքին մէջ:

Իբրեւ Հայաստանեայց եկեղեցոյ հիմնադիրներ, Թադէոս եւ Բարթողիմէոս առաքեալներուն նուիրուած աղօթքներն ու գանձերը շատ են: Առաքեալները իրենց տեղը գրաւած են նաեւ միջնադարեան կերպարարուեստէն ներս: Թադէոս առաքեալին պատկերը կը ներկայացուի ընդհանրապէս մէկ ձեռքը դաշոյն բռնած, դաշոյն որմով նահատակուեցաւ, իսկ միւս ձեռքին՝ գեղարդը, որ ըստ աւանդութեան իր հետ Հայաստան բերած էր:

Բարթողիմէոս առաքեալին պատկերը կը ներակայացուի ընդհանրապէս մէկ ձեռքը դաշոյնով իսկ միւս ձեռքը Տիրամօր նկարով որ ըստ աւանդութեան իր հետ Հայաստան բերած էր:

Հոկտեմբեր ամսուան պատասխանողներ եւ մասնակցողներ

Մանկապարտեզի անկիւն

Կ'իրիկնանար, Արձակէ՛, գտնեն, ամայի, ուտելիքը, հաց, ձուկ, բաւականաչափ

Նախակրթարան Ա. Բ. Գ. անկիւն

1. բ զաւակ
2. ա. Սամուէլ
3. ա. Հեղիից
5. գ. չար
6. դ. Սամարացի մարդ մը
7. բ. Եգիպտացիներուն
8. բ. Մազերուն
9. գ. 40
10. բ. հինգ հաց եւ երկու ձուկ

Նախակրթարան Դ. Ե. Զ. անկիւն

1. ա. Կորին, բ. Մովսէս Խորենացի
2. ա. Ս. Գէորգ գ. Խաչվերաց
3. գ. Յորենի հասկերէ կազմուած խաչ
4. դ. Կապաղովկիա
5. բ. անդամալոյծից
6. բ. Գաղատացիս 5.13
7. դ. Ելից
8. ա. Բեթսաիդա
9. բ. Տրդատ Գ.
10. բ. Վնամշապուհ

Երկրորդականի անկիւն

1. Փառք, տիեզերաց, լիացոյց, նմա Ամէն
2. Նորին Սուրբ Օծութիւն Տէր Տէր
3. Աստուած Օգնական, Աստուած Օգնական, Աստուած Օգնական, Օրհնեա՛
4. Հաւատք, Յոյս Սէր եւ Մկրտութիւն
5. Մեղայ Աստուծոյ
6. Իմ Աստուած
7. Քրիստոս, յայտնեցաւ, Օրհնեալ, Յայտնութիւնը
8. Յարեաւ Ի Մեռելոց, Օրհնեալ Յարութիւնը Քրիստոսի
9. Ծնաւ եւ յայտնեցաւ, Օրհնեալ յայտնութիւնը Քրիստոսի, ձեզի մեզի Աւետիս
10. ա. Նիկիոյ 325

Ընդհանուրի անկիւն

1. բ. Հին եւ Նոր Ուխտ
2. գ. Հայր, Որդի եւ Սուրբ Հոգի
3. ա. լոյս կու տայ
4. դ. բոլոր պատասխանները ճիշդ են
5. բ. յիմար եւ իմաստուն կոչսերը
6. ա. Վրացիներուն եւ աղուաններուն
7. գ. Եկեղեցին հայկական ծննդավայրն է հոգւոյս
8. դ. բոլոր պատասխանները ճիշդ են
9. բ. Յիշէա՛ Տէր եւ ողորմեա՛
10. ա. դպիր տղոց բռնած մոմն է

Հոկտեմբեր ամսուան

մասնակցողներ

Մանկապարտեզ

Անսխալ պատասխանողներ

Սեւակ Պապիկեան, Խշիշեան Արշակ, Արագ Գաբթանճեան, Արին Անթեայեան, Կրէյս Նարեկեան, Քեհեայեան Թաթիանա:

Նախակրթարան Ա.Բ. Գ. անկիւն

Լորի Չուխանեան, Անի Չուխանեան, Սեւան Մելեքեան, Գէորգ Պուլիքեան, Դալար Գաբթանճեան, Յարութ Քուլլուքեան, Սերենա Քուլլուքեան, Հրայր Մատթէոսեան:

Անսխալ պատասխանող

Առէն Պապիկեան, Մարիա Դանիէլեան, Ներսէս Նասոյեան,

Նախակրթարան Դ.Ե.Զ. անկիւն

Թամար Չաքմաքճեան, Թամար Պուլիքեան, Գօգօ Մատթէոսեան, Անի Մելեքեան, Հրակ Նարեկեան, Լորա Սարիմանուկեան, Ռուբէն Սեթեան, Արի Միրզայեան, Ժան-Յակոբ Չուխանեան:

Երկրորդականի անկիւն

Թամար Գիզիրեան, Փօլ Գիզիրեան, Կարօ Կարապետեան:

**Ո՞րն է ճիշդ պատասխանը
Մանկապարտեզի անկիւն**



Ամէն մարդ կերաւ այնքան որ ուզեց: Եւ ինչ որ աւելցաւ, տասներկու կողով լեցուց:

**Ամբողջացո՛ւր ըստ Ղուկասի Աւետարանին 9.14-17
հինգ, յիսունական, տասներկու, աչքերը, կշտացան,
ձուկը, հացը, կատարեցին**

Որովհետեւ շուրջ ----- հազար մարդ կար: Յիսուս
աշակերտներուն ըսաւ.

- Նստեցուցէք զանոնք ----- հոգինոց խումբերով:

Անոնք ----- հրահանգը եւ նստեցուցին բոլորն ալ:

Ապա Յիսուս առաւ հինգ ----- եւ երկու -----,

----- երկինք բարձրացուց, կտրեց, եւ աշակերտներուն

տուաւ՝ որ բաժնեն ժողովուրդին: Բոլորն ալ կերան ու

-----, եւ աշակերտները աւելցած կտորները հաւաքելով՝

----- սակաւ լեցուցին:

Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն

1) Իսրայէլի ազգին գլխաւորները
ինչ խնդրեցին Սամուէլէն:
ա.- Թագաւոր մը նշանակել
բ.- Դատաւոր մը ընտրել
գ.- Տաճար մը շինել
դ.- Սաւուղին պատժել

2) Սաւուղ իր ծառային հետ ինչ կը
փնտռէր:
ա.- Սամուէլ մարգարէին որդիները
բ.- Իր կորսուած էշերը
գ.- Իր հօրը
դ.- Իր ընկերներուն

3) Սամուէլ մարգարէն ինչ ըսաւ
Սաւուղին
ա.- Թագաւոր պիտի ըլլաս
բ.- Հարուստ պիտի ըլլաս
գ.- Զաւակ մը պիտի ունենաս
դ.- Դճոխք պիտի երթաս

4) Սաւուղ թէեւ քաջ էր, սակայն
յաճախ ինչպէս կը վարուէր:
ա.- բռնակալ
բ.- տգէտ
գ.- միամիտ
դ.- ինքնագլուխ

5) Սաւուղ Սամուէլին ուշանալուն
պատճառով ինչ ըրաւ:
ա.- յետաձգեց մատուցը
բ.- Սպասեց մարգարէին
գ.- Զոհը ինքը մատուցանեց
դ.- ուրիշ մարգարէ մը
մատուցանեց

6) Ամբողջացո՞ւր հետեւեալ աղօթքը:
Ով մեծ -----, որ ես
-----, մեզ ----- հայր
եւ գթոտ մայր, տուր մեզ -----,
ընենք -----, չըլլանք անհոգ
ապրիմք -----:

7) Աստուած զո՞ր պտուղը Ադամի եւ
Եւայի արգիլեց ուտել:
ա.- Նարինջ
բ.- բարի եւ չարը գիտնալու ծառէն
գ.- Պանան
դ.- Ելակ

8) Ո՞վ կրցաւ Փառաւոնին երազը
բացատրել:
ա.- Մովսէս
բ.- Յակոբ
գ.- Յովսէփ
դ.- Իսահակ

9) Դաւիթ զո՞ր հսկային սպաննեց:
ա.- Գողիաթ
բ.- Փառաւոն
գ.- Մաթուսաղա
դ.- Ենովք

10) Նոր կտակարանը քանի՞ գիրքերէ կը
բաղկանայ:
ա.- 27
բ.- 18
գ.- 29
դ.- 39

**Ո՞րն է ճիշդ պատասխանը
Նախակրթարան Դ. Ե. եւ Զ. դասարաններու անկիւն**

Ամբողջացու՛ր

1) Մովսէսի մահէն ետք Տէրը խօսեցաւ անոր օգնական Նաւէի որդի ----- հետ.

- ա.- Յովսէփի
- բ.- Յակոբի
- գ.- Յեսուի

2) Տէրը Յեսուին պատգամ տուաւ որ քաջ ըլլայ, պահէ ու կատարէ այն բոլոր օրէնքները որոնք ----- իրէն պատուիրած էր.

- ա.- Մովսէս
- բ.- Մաթէոս
- գ.- Մարկոս

3) Յեսու հետախույզներ դրկեց ----- գաղաքը

- ա.- Երուսաղէմ
- բ.- Եգիպտոս
- գ.- Երիթով

4) Տէրը որ քաղաքը խոստացաւ Յէսուի.

- ա.- Երուսաղէմ
- բ.- Եգիպտոս
- գ.- Երիթով

5) Ինչպէս փլան Երիթովի պարիսպները.

6) Հին կտարկարանը գանի՞ գիրքերէ կը բաղկանայ

- ա.- 27
- բ.- 39
- գ.- 17
- դ.- 77

7)- Մեսրոպ Մաշտոցի անունը կրող Եկեղեցին ե՞րբ կառուցուած է Օշական գիւղին մէջ:

- ա.- 1875
- բ.- 1962
- գ.- 875
- դ.- 500

8) Ե՞րբ կը տօնենք Քրիստոսի 72 աշակերտներու տօնը:

- ա.- Մարտին
- բ.- Հոկտեմբերին
- գ.- Սեպտեմբերին
- դ.- Յունունարին

9) - Յովսէփի եղբայրները քանի՞ ոսկիի ծախեցին իրենց:

- ա.- երեսուն արծաթ դրամով:
- բ.- քսան ոսկի դրամով:
- գ.- քսան արծաթ դրամով:
- դ.- տասը ոսկի դրամով:

10) «Հաւատով խոստովանիմ» քանի՞ համարներէ կը բաղկանայ:

- ա.- քսանհինգ համարներէ:
- բ.- տասերկու համարներէ:
- գ.- երեսուն համարներէ:
- դ.- քսանչորս համարներէ:

11) Ամբողջացու՛ր համարը:
Հաւատով խոստովանիմ եւ երկիրպագանեմ քեզ:----- լոյս, ----- Սուրբ երրորդութիւն եւ մի -----, արարիչ ----- եւ հալածիչ -----. հալածեա՛ ի ----- իմմէ զխաւար մեղաց եւ անգիտութեան. եւ ----- զմիտս իմ՝ ի ժամուս ----- աղօթել քեզ ի հաճոյս, եւ ընդունել ի քէն ----- իմ.եւ ----- քո արարածոց եւ ինձ՝ -----

**Ո՞րն է ճիշդ պատասխանը
Երկրորդականի անկիւն**

1- Յիսուսի 12 առաքեալներէն որո՞նք քարոզեցին Հայաստանի մէջ:
-----:

2- Որո՞նք հիմնեցին Հայաստանի Եկեղեցին
-----:

3-Մօտաւորապէս ո՞ր թուականին հիմնուեցաւ Հայաստանի Եկեղեցին:

- ա. 60 Ք.Ե.
- բ. 300 Ք.Ե.
- գ. 301 Ք.Ե.
- դ. 451 Ք.Ե.

4-Քրիստոնէութիւնը ե՞րբ պետական կրօնք հռչակուեցաւ Հայաստանի մէջ:

- ա. 260 Ք.Ե.
- բ. 400 Ք.Ե.
- գ. 301 Ք.Ե.
- դ. 451 Ք.Ե.

5-Ո՞վ է հայոց առաջին հայրապետը:

- ա. Սուրբ Թադէոս
- բ. Սուրբ Բարթողիմէոս
- գ. Սուրբ Գրիգոր Լուսաւորիչ
- դ. Սուրբ Սահակ Պարթեւ

6- Ո՞ր տաճարն է, որ առաջինը կառուցուեցաւ Հայաստանի մէջ, եւ կանգուն է մինչեւ այսօր: Ո՞ր թուականին:

7- Ի՞նչ կը նշանակէ Էջմիածին:

8- Ո՞վ եւ ե՞րբ ստեղծեց Հայ այբուբենը:

9.- Ո՞ր կաթողիկոսի օրով ստեղծուեցաւ Հայ այբուբենը:

10- Աստուածաշունչի Հին կտակարանի ո՞ր գիրքը առաջին անգամ հայերէնի թարգմանուեցաւ:

Ի՞նչ է առաջին նախադասութիւնը:

Ո՞րն է ճիշդ պատասխանը Ընդհանուրի անկիւն

1- Ո՞ր տեղի ունեցաւ տիեզերական երկրորդ ժողովը.-

- ա- Կանա
- բ- Երուսաղեմ
- գ- Կոստանդնուպոլիս
- դ- Երեւան

2- Հետեւեալներէն ո՞ր մէկը չգործածուիր Ս. Մարիամին համար.-

- ա- Աստուածամայր
- բ- Աստուածածին
- գ- Ս. Կոյս
- դ- այս բոլորն ալ կ'ըսուին

3- Յախումն անձը.-

- ա- խառնող է
- բ- յանդուգն է
- գ- դանդաղաշարժ է
- դ- կոռագան է

4- Հետեւեալներէն ո՞ր մէկը արական անուն է.-

- ա- Հայկուկ
- բ- Եւգիւնէ
- գ- Ծերուն
- դ- Դեղձան

5- Հետեւեալներէն ո՞ր մէկը բոժոժի չի վերագրուիր.-

- ա- զանգակ
- բ- բուրվառ
- գ- աւետարան
- դ- հնչուն

6- Ղուկաս 16-ի ո՞ր առակին մէջ Աբրահամ մեծահարուստ մարդուն կը թելադրէ մարգարէներուն եւ Մովսէսի օրէնքին հաւատալ.-

- ա- աղքատ Ղազարոս
- բ- Ծարպիկ տնտեսը
- գ- կորսուած դրամը
- դ- Ղուկասի մէջ առակներ չկան

7- Ո՞րն է Յիսուսի վերջին խօսքը, խաչափայտին վրայ.-

- ա- Հա՛յր ներէ զիրենք
- բ- Հա՛յր ձեռքերուդ մէջ կ'աւանդեմ հոգիս
- գ- Հա՛յր, օրհնեալ ես
- դ- Հա՛յր ինչո՞ւ լքեցիր զիս

8- Ըստ Սաղմոսին, «Տէրն է իմ...».-

- ա- Ապաւէնս
- բ- Պաշտպանս
- գ- Աստուածս
- դ- Հովիս

9- Մարդու մը տիկնոջ քրոջ ամուսինը անոր.-

- ա- քենեկալն է
- բ- քեցին է
- գ- քեռին է
- դ- քեռայրն է

10- Դպիր, սարկաւագ, եպիսկոպոս, արեղայ. ո՞րն է ամենէն բարձրաստիճանը.-

- ա- Դպիր
- բ- սարկաւագ
- գ- եպիսկոպոս
- դ- արեղայ

Կարճ Լուրեր Կիրակնօրեայէն

. Մինչեւ Նոյեմբեր 2, 2003 Կիրակնօրեայ Դպրոցի Արձանագրուած աշակերտներուն թիւն է 80

. Դպրոցիս աշակերտներէն՝ Թամար Գիզիրեան, Փոլ Գիզիրեան եւ Քրիստինա Լոշխաճեան ինչպէս նաեւ ուսուցիչներէն Օրդ. Գարուին Գէպթանճեան եւ Պրն. Թորոս Պապիկեան մասնակցեցան Գանատայի Թեմի Ազգային Առաջնորդարանի Քրիստոնէական Դաստիարակութեան Խոհուրդի կողմէ կազմակերպուած Երիտասարդական Միօրեայ Սեմինարին Քինկսթըրնի մէջ Նոյեմբեր 1, 2003 ին:

«Մաշտոցի Արձագանգ»ի Խմբագրական կազմ

Խմբագիր՝	Շաղիկ Պոյաճեան
Աշխատակիցներ՝	Յասմիկ Նաճարեան, Երան Լոշխաճեան, Գարուին Գէպթանճեան, Նիկոլ Դանիէլեան եւ Թորոս Պապիկեան:

«Ճաշու աւետարան»ը

Կը գտնուի նաեւ համացանցի (internet) վրայ: Այցելեցէ՛ք www.sourphagop.org, ձախ կողմի կոճակներէն «Ճաշու աւետարան»ը ձեզ կ'ուղղէ դէպի ամսուան իւրաքանչիւր օրուան Ճաշու Աւետարանի հատուածները...

«ՄԱՇՏՈՑԻ ԱՐՁԱԳԱՆԳ»ը

Կը գտնուի նաեւ համացանցի (internet) վրայ: Այցելեցէ՛ք www.sourphagop.org, ձախ կողմի կոճակներէն «Պարբերաթերթ»ը ձեզ կ'ուղղէ դէպի ներկայ եւ նախկին թիւերը...

*Սուրբ Յակոբ Հայց. Առաք. Մայր Եկեղեցւոյ Կիրակնօրեայ դպրոցի կամաւոր խմբակը.-
Ուսուցիչներ՝ Թային Թաշճեան, Իզապէլ Քուլլուքեան, Սալբի Բակլաեան, Վերա Կարապետեան,
Երան Լոշխաճեան, Գարուին Գէպթանճեան, Յասմիկ Նաճարեան, Շողիկ Նաճարեան, Աշխէն
Իշխանեան, Յասմիկ Գանաճեան, Տնօրէն՝ Թորոս Պապիկեան, Կայքէջ՝ Բաֆֆի Պապիկեան,
Լուսանկարիչ՝ Նիկոլ Դանիէլեան, Պարբերաթերթ՝ Շաղիկ Պոյաճեան:*